

Media Title : Utusan Borneo Sarawak  
Headline : OCBC Bank Miri sumbang empat alat pemekat oksigen  
Date : 25 October 2023  
Section : Nasional  
Page : 6



**SUMBANG MESIN: OCBC Bank (Malaysia) Berhad Cawangan Miri menyumbang empat alat pemekat oksigen bernilai RM20,000 memberi manfaat kepada pesakit Persatuan Penjagaan Paliatif Miri.**

## OCBC Bank Miri sumbang empat alat pemekat oksigen

**MIRI:** OCBC Bank (Malaysia) Berhad Cawangan Miri menyumbang empat alat pemekat oksigen bernilai RM20,000 yang memberi manfaat kepada lebih 100 pesakit Persatuan Penjagaan Paliatif Miri.

Pengurus Kanan Cawangan OCBC Miri Lawrence Liew berkata, alat pemekat oksigen ini membantu pesakit menjalani rawatan pernafasan di persatuan tersebut.

“Peralatan ini digunakan dan diperlukan membantu pesakit menghadapi masalah pernafasan membolehkan mereka bernafas dengan lebih selesa dan melegakan mereka daripada beban penyakit,” katanya dalam satu kenyataan di sini.

Menurutnya, persatuan itu

ketika ini mempunyai 14 alat pemekat dengan hanya enam berfungsi sepenuhnya sementara selebihnya rosak.

Justeru katanya, empat alat pemekat baharu itu memberi manfaat besar kepada kehidupan pesakit.

Beliau berkata, OCBC berusaha melibatkan diri dengan masyarakat setempat bukan sahaja menyediakan produk dan perkhidmatan perbankan unggul tetapi memenuhi keperluan sosial insan.

“Kami berharap sumbangan ini meningkatkan kemudahan dan keselesaan mereka memerlukan penjagaan paliatif atau rawatan mengurangkan kesakitan dan empat alat pemekat oksigen digunakan dengan berkesan membawa

perubahan positif,” jelasnya.

Beliau berkata, berbekalkan pengalaman lebih 90 tahun menyumbang kepada masyarakat, OCBC terus berhasrat membolehkan individu, PKS dan perniagaan membina masa depan lebih lestari.

Persatuan Penjagaan Paliatif Miri ditubuhkan pada 2005, sebuah pertubuhan bukan keuntungan berusaha meringankan penderitan dan memberi sokongan serta menjaga maruah individu dan keluarga mereka menghadapi penyakit tenat.

Persatuan itu bertekad memastikan pesakit boleh mendapat khidmat penjagaan selayaknya diterima mereka walaupun dalam keadaan mencabar.